

“Cangh lauxsae caen dwg boux lauxsae gvaiq ndeu!” Gou dwg yienghneix bingzgyaq suyo lauxsae.

Baez hwnj roek nienzgaep, gou couh guh ndei cunjbei yaek sij haujlai cozyez caeuq lienzgah. Byawz rox hwnj dangz daih'it, Cangh lauxsae son suyo haenx cij louz haj diuz daez geiqsuenq. Hainduj gou mbouj gamjdaengz geizgvaiq, ndawsim gag siengi, ngamq haihag, dangyienz mbouj louz baenzlai cozyez, saedceij sinhoj dwg youq baihlaeng nw!

Hoeng, haihag gaenq ndaej ndwen he lo, cozyez lij lumj seiz ngamq haihag baenzneix noix. Gou miz di siengi mbouj doeng lo, roek nienzgaep lo, wnggai guh haujlai lienhguh cij ndaej bw, baenzlawz ndaej baenzneix soengset ne? Nanz-dauh Cangh lauxsae gaxgonq dwg son nienzgaep daemq ha? Gou yawj hix mbouj lumj, de hwnjdangz gig miz

Lauxsae Gvaiq



gingniemh bw. Geizgvaiq lo, gou fouznaih ngauzngauz gyaauj.

Gij cozyez Cangh lauxsae louz haenx hix gig gvaiq. Ngamq yawj, geij diuz daez daezhingz lumj ca mbouj geijlai. Hoeng sijsaeq faensik couh fatyienh ndawde mbouj dox-doengz—moix diuz daez cungj gak miz daegdiemj, gig noix miz doxcungz. Miz baez ndeu, gou youq niemhsuenq seiz fouzeiq fatyienh, miz diuz daez ndeu ndaej yungh song cungj fuengfap daeuj suenq, couh swnhbienh sij roengzdaej.

Mbouj siengi daengz, ngoenz

daihngaih, Cangh lauxsae riunyum-nyum byaij haeuj gyausiz, fouqda gyaunde iu lumj aen ronghndwen vangungj nei. Ciepdkw lauxsae naeuz: “Hagsib couh aeu lumj Lij Yijyen yienghneix miz sij cingsaenz gaenx bae siengi.” Gangj dwk gou ndawsim angqvauvau. Doeklaeng gou moix baez guh cozyez, cungj aeu louzeiq moix diuz daez lij miz mbouj miz sij gej fap wng.

Miz ngoenz ndeu, lauxsae lumz bonjbitgeiq youq ndaw gyausiz. Gou roxnyinh geizheih, hai daeuj baez yawj, gwnz bonjbitgeiq sij ndaej dei-



deih dedded, cungj dwg daezmoeg lienhguh. Ndawde miz mbangj daezmoeg veh miz fuzhau samgak haenx, cij dwg sij daezmoeg cozyez dou. Gou cungj ngaez lo, mbouj siengi daengz lauxsae vihliux daezsang hagsib yauliz dou, roengz le baenzlai goengfou. Gou dauqcungz rox Cangh lauxsae ngoenzngoenz son gou haenx lo, gamjdaengz de gig dwggvaez gig hawj gou gingqcong.

(roek nienzgaep Lij Yijyen)



Doxndoj Bungz Daengz Yiemj

捉迷藏遇险

Miz haemh ndeu, gou caeuq geij boux doengzhag youq gvangjangz ndaw mbanj guhcaemz doxndoj.

Baez neix, sij vunz wng cungj deng gou ra raen lo, cijmiz Sinh Sauveih mbouj rox ndoj youq gizlawz, baenzlawz cungj ra mbouj raen de. Seizhaenx, sawqmwh dingqny baih diengzhaex miz vunz hemq “gouqmingh”. Dou ganjgip buet gvaqbae, baez yawj gingqyienz dwg Sinh Sauveih. Laxlawz, de siengi ndoj youq ndaw diengzhaex, hoeng aenvih mbwn laep lai, baez mbouj siujsim doek roengz gumz diengzhaex bae. De yungh rengz cukcak, lij hwnjdaej mbouj ndaej. Mwh dou ganj daengz, cij yawjraen aen'gyaeuj caeuq gaiqfwngz de lo. Hij Dungsun buet daengz gaxgonq haenx mbouj goq uq caeuq haeu, ganjgip rag Sinh Sauveih hwnjdaej, hoeng cungj rag mbouj ndaej hwnjdaej. Daengz daihgya cungj buet daengz le, doxcaeaz rag cij rag ndaej hwnjdaej. Sinh Sauveih daengx ndang cungj dumz lo, de nit dwk saenzdedded. Dou ganjgip soengq de ma ranz. Gvaqlaeng, gou siengi hwnj gienh saeh neix lij caen dwglau, danghnaez dou caiq ceiz di daengz, doeklaeng cungj mbouj rox fatseng gijmaz saeh lo. Baezlaeng raeuz guhcaemz hix aeu haeujsim ancienz nw!

(seiq nienzgaep Gauh Yizcingh)

Duzdouq Caeuq Duzgvi

兔子和乌龟

Daj baezgonq duzdouq caeuq duzgvi doxdax buet sat le, gaenq gvaqbae 80 lai bi lo, seizneix dwg 2080 nienz lo. Gyoengq doenghduz youq ndaw singz caep aen laeuzhung doenghduz he, gyoengq doenghduz ndaej cwxcaih haeujbae youq.

Yo, baezneix duzdouq caeuq duzgvi youq doxhenz, dwg



ranznden, duzdouq siengi hwnj baez doxdax haenx hawj de gig saetnaj, de gietdingh caeuq duzgvi caiq doxdax buet ciengz ndeu. Yienghneix de couh sij diuhcansuh, de dwg yienghneix sij: Duzgvi, daeuj doxdax buet ba! Sij sat le, cuengq youq bakdou ranz duzgvi. Duzgvi yawjraen le, naeuz: “Duzdouq beixnuengx, raeuz dwg mbouj dwg gag genjcaz swheij loek youq gizlawz ha?” Duzdouq hozndat naeuz: “Gou cij mbouj ne, dwg mwngz wnggai gag genjcaz sij loek mwngz!” “Ndei ba, yienghneix raeuz bae gizlawz doxdax ne?” Duzgvi miz laex dwk naeuz. “Hw! Couh youq aen laeuzhung doenghduz sang 99 mij neix doxdax! Giz hainduj dwg 1 laeuz, giz satbyai dwg 99 laeuz, couh yienghneix dingh lo!” Duzdouq naeuz. “Ndei ha.” Duzgvi doengzeiq lo. Doxdax ngoenzhaenx, duz-

douq gag siengi: Gou dauqdaej ndaej bauqcaez siu sij saetnaj gou bae lo! De cingj duzciengh daeuj guh caizbuenq. “Bwhndei—hainduj!” Duzciengh hemq sing ndeu, duzdouq couh lumj mbin nei buet bae lo, duzgvi cix menhmenh byaij bae coh aen dendih. Duzdouq yungh 5 diemj cungj cij bin daengz daih 99 laeuz. “Hahaha!! ~ gou hingz lo!” Duzdouq angqvauvau hemq dwk. “Vei, beixnuengx, mwngz caij deng gou lo!” Duzgvi mbouj gaenj mbouj menh naeuz. Laxlawz, duzgvi dwg naengh gauhgohgi dendih hwnjdaej, suzdu dangyienz beij duzdouq vaiq lo! Doeklaeng dwg duzgvi hingz lo! Gyoengq siujbaengzyoux, raeuz mbouj ndaej lumj duzdouq nei mbouj rox cauhamq, aeu lumj duzgvi yienghneix, riengz seizdaih cinbu.

(Mungz Yiz)

De Hix Gauj Ndaej 100 Faen?!

他也能考100分?!

Vangz Cwzyen gig diuqbeiz, gaujsi cingzcik soqlaiz mbouj ndei, hoeng ceiggaen baez geizgyang gaujsi ndeu, de sawj gyoengq doengzhag bouxboux cungj doeksaet lo.

Ngoenz haenx hwnj dangz suyo, lauxsae dawz dab sigenj he hainduj senhbu faensoq. Dang dingq daengz “Vangz Cwzyen 100 faen” seiz, daihgya cungj cauz hwnjdaej, cungj mbouj gamj saenq aenrwz swheij dingq daengz haenx. Cij raen Vangz Cwzyen cieq gvaq sigenj, angq dwg diuq

hwnjdaej, gaem mbaw sigenj cup le youh cup.

Doeklaeng gou cij rox, Vangz Cwzyen mboengqneix gig roengz-rengz hagsib, mboujdanh hwnjdangz nyinhcaen dingq lauxsae gangj, vanzlij ma ranz cawz le guh sat sij cozyez lauxsae buci haenx, lij gag hawj swheij gya guh lauylai daez lienhguh. Gvaiq mbouj ndaej baezneix de gauj ndaej muenxfaen lo.

Yawjdaej, cijaeu roengz-rengz, couh itdingh ndaej soundaej. Gou hix aeu yieqq de hagsib, ceng

aeu engq ndei cingzcik, hawj gyoengq doengzhag doeksaet, hozhaenz gou.

(seiq nienzgaep Luz Cwnggaij)

